

2102-4-1 | بيان بشأن جنسية والدته | الاستبعاد من

الانتخابات | حازم صلاح أبو اسماعيل

حازم صلاح أبو اسماعيل

اما بالنسبة لموضوع جنسية والدتي الله يرحمها. فده كالاتي. آآ والدتي الحمد لله مصرية. اولاً هذا الموضوع اساساً لو صح فانه يعني

لو كان صح ما في هوش نقیصة يعني لا ماشي ما يجراش حاجة انما حقيقة الامر انها مصريين - [00:00:00](#)

من اباء مصريين و حدود مصريين لنهاية السلسلة اللي احنا عارفينها. وولدت في مصر وعاشت في مصر. ولكن انا شقيقتي هي اللي

تزوجت من طبيب مصري وراحوا علشان بيعمل دراساته العليا وهي اللي اكتسبت الجنسية الامريكية. والدتي كانت تذهب الى هناك آآ

- [00:00:20](#)

تطول تقصر لكن ولذلك حصلت على آآ حق عشان ما يبقاش في كل مرة فيزا حق الإقامة انها تقدر تقيم ترجع فتقعد تروح هناك هنا

وهكذا. الحقيقة انا لما ظهرت الصورة دي - [00:00:40](#)

في صورة شائعة قبل موضوع التقدم بيومين بس بعض الجرايد ذكرت او حاجة زي كده لما قابلت المستشار آآ فاروق سلطان هو

رئيس لجنة الانتخابات الرئاسية قلت له صراحة قلت له دلوقتي احنا عندنا ناس بيطلعوا شائعات واقاويل في الجرايد وجرايد -

[00:00:55](#)

ربما يكون لها موقف منا وربما تكون صادقة. فلو سمحت انا عايز اقطع الشك باليقين. والمسألة في منتهى السهولة انا باقدم

لحضرتك طلب فبتديني خطاب ارواح به بكرة الصبح الى مصلحة الجوازات اجيب فوراً ما يفيد ايه اللي موجود عند وزارة الداخلية؟

هل هي - [00:01:15](#)

آآ مصرية هل هي غير مصرية؟ وبقى خلصنا الموضوع وقفلناه. انا بقول الكلام ده الحقيقة في منتهى يعني على انه من المسلمات.

فاذا افاجأ ودي كانت مفاجأة انه يرفض قال لي لأ. قلت له ليه؟ ده انتم اهل العدالة من مصلحتكم انكم تطلعوا الصورة واضحة.

طب رح استعلم انت. ابعت بكرة مندوب او موظف - [00:01:35](#)

من اللجنة للجوازات استعلم يدي لك ودي انتخابات رئاسة مش انت مش بتتكلم عن عضو مجلس محلي في قرية ولا في مدينة انت

بتتكلم عن انتخابات رئاسة فبتقول له آآ اعلمني لان الصحف نشرت فعلاً يعني عندك شيء حقيقي في ارجاف في هزة حقيقية -

[00:01:59](#)

هالني المرة الثانية انه رافض. تمام. قال لي لأ. قلت له بس يا فندم الكلام ده معناه ان ان احنا كاننا قاصدين نسيب الموضوع ملتبس

لمدة طويلة. ما تطلعني من دلوقتي كويس او وحش بس خيلنا نخلص. بكرة الصبح نعرف. انما ليه تسيبه ملتبس مدة طويلة -

[00:02:19](#)

وانا اقول لحضرتك ابسط حاجة ابعت الخطاب بمندوب وياخذ الرد. قال لي لأ انا هبعت شف بقى المفاجأة قال لي الرد العجيب وطبعا

كان حاضر المستشار آآ حاتم بيبي جاتو والاح آآ والمستشار الثاني برضو ازن المستشار ماهر يعني - [00:02:39](#)

عدد من اعضاء اللجنة الانتخابات الرئاسية قلت له يعني انت كانك بتسيب الموضوع كده عشان يفضل مبهم ايام لحد ما يبقى فاضل

قدامي غير تمانية واربعين ساعة بس. تقول والله ده احنا جا لنا فجأة رد الجوازات وتم الاستبعاد وما فيش قدامي غير تمانية

واربعين - [00:02:59](#)

ساعة عشان آآ مدة الطعن اللي قدامك وما عنديش سند اطعن بناء على ايه؟ اذا كنت انت جايبه من لجنة الجوازات. انا عايز استوضح فرفض قال لي ما عنديش غير كده. اكتب لي طلب طبعا بيتكلم بادب كل شيه لكن انا باقول لكم اللي حصل في الاخر. يعني هو مهذب - [00:03:19](#)

يعني في اسلوب الحديث مش بيتكلم لأ مهذبين وكده يقول لا هو كده. طب هتعمل ايه؟ قال هنبعت لهم جواب وهم يستلموا الجواب وبعدين يردوا على الجواب ويوصل لنا الرد. قلت له يا فندم ده الكلام ده ياخذ لوحده كده يومين ثلاثة رايح ويومين ثلاثة جاي - [00:03:39](#)

الفاضلة كلها عشر تيام على صدور قرار لاستبعاد المرشحين. ازاي تضيع خمس ست سبع تيام من مدة زمنية مدتها عشر تيام؟ قال لي ليس عندي الا هذا وزى ما بقول لكم بكل الرقة والادب والنعمومة وكل حاجة. لكن كمعنى ما فيش غير كده. فانا الحقيقة هنا بدأ اول عنصر - [00:03:59](#)

من عناصر القلق ايه الاستماتة الغريبة دي ايه ده! وتلاثة مستشارين وبيسمعوا الكلام ده. فالحقيقة تاني يوم مباشرة وبرغم ان انا طبعا كنت قبلها موجود في المنصورة وبعدين في دمياط وقبلها في جامعة القاهرة. وبعدين التقديم الاوراق وبرغم كل شيه مباشرة بعثت تاني يوم الصبح لمصلحة - [00:04:19](#)

الجوازات فازا بي افاجأ برضه ان اللي بعته ده واحد مخضرم يعني قال له هو فيه شيه ما قال له طب انا هقدم لك اهو طلب استعلام وانا معي توكيل وتديني ما يفيد ايه؟ انت عندك الجنسية عبارة عن ايه بالزبط - [00:04:42](#)

رفض قال له لأ. الله! فاحنا انا الحقيقة بدأت اشعر ان في شيه ما. انما على اية حال انا ان شاء الله دلوقتي في اللحظات اللي احنا قاعدين فيها دي بنجهز قضية ترفع في مجلس الدولة غدا فوراً افهم لان طبعا في حد قال لي قد يكون تشابه اسماء قد - [00:05:02](#) معلومات صحفية جايز يكون آآ اختلاط آآ او خلط بين جنسية الام وجنسية الاخت. جايز يكون اي حاجة انما لا يوجد وبعدين ده هم بيتزعموا ايه بقى؟ انها عاشت مش عارف تمانية وستين ولا من طول عمرها - [00:05:22](#)

مصرية عادي جدا لغاية قبل ما تموت بشهرين ثلاثة بس وهي في مرض الموت وهي كان عندها حالة القلب ومحتاجة اجراء عملية ومهددة بالموت يعني لغاية قبل شهرين ثلاثة حملة جواز سفر امريكي. معلومة لا اعلمها مطلقا وكانها بالنسبة لي خيال وهي رجعت طبعا اخر زيارة لها وهي في حالة صحيحة - [00:05:42](#)

هي كانت عندها يعني اصيبت عليها رحمة الله بجلطة في المخ في اخر آآ فترة ثم اصيب الحالة القلبية دي فقامت فكانت الحالة الصحية بهذه الصورة ولكن في النهاية انت بتتكلم عن واحدة فضلت مصرية عشرة عشرين ثلاثين اربعين خمسين ستين - [00:06:09](#) ستين تمانية وستين سنة وبعدين قبلها بتلات شهور تزعم انها صارت امريكية وحت في الزيارة الاخيرة وفي امين شرطة شاف جواز سفر بتاعها وكتب انها تحمل جواز سفر امريكي وسجله في الجوازات ولا حاجة وهي لا استخدمت مسلا جواز سفر امريكي لا في فتح - [00:06:29](#)

حساب في بنك ولا في صرف فلوس ولا في كريدت ولا وبعدين هي الجنسية الامريكية دي حاجة بسيطة كده مش لما يبجي واحد ياخذ الجنسية الامريكية من ضمن المستندات انه يصوروا له بالفيديو واقعة حلف اليمين انه يبصموه على استمارة الحصول على الجنسية وبدأ حياته الامريكية - [00:06:49](#)

انه في مليون حاجة فما ينفعش واحد ينفي وبعدين يطلعوا عليه مسلا حاجة زي كده. فانا مش عارف انا الحقيقة باقول لكم بوضوح رغم كل اللي انا قلته دي كلها ما هي الا معلومات كده يعني اللي انا باقولها آآ لاول وهلة ولكن في الحقيقة انا في مرحلة استيضاح لان انا اشعر - [00:07:09](#)

انه فيه اه انا نسيت اقول لكم ليه اشعر بوجود مكيدة؟ لان النهاردة بدأ بقى نوع او نوعية الشخصيات اللي بتتكلم في موضوع تختلف تبقى موضوع شخصيات اهم. شخصيات لها صفة حكومية لها حيثية سياسية. الله لا ده مش صحفي كاتب بقى في جورنال. يبقى - [00:07:29](#)

المسألة ماثية في حالة تصاعد. والحقيقة انا لولا اني مش عايز الوت اه يعني اخرين لكن ده مرتبط باحداث من اللي حصلت في خلال الاسبوع اللي فات اترشح ومين ما اترشحش ومين هينسحب ومين مسافر ومين جاي ومين كذا. الحقيقة يعني تخيلني اقول يعني هل الترابيطة دي - [00:07:49](#)

طبيعية مش طبيعية الله اعلم. على كل حال انا يعني جايز تكون هي دي الصورة التي يدوها مناسبة للتوقيت البديري عشان ما يستنوش وتبقى هي الحاجة اللي يضرب بها بدري كل اللي حصل وخصوصا بعد - [00:08:09](#)

يعني ما روحنا قدمنا الاوراق يوم الجمعة. وعايز اقول له برضو حاجة تقولوها لكل الناس. الاوراق اللي احنا قدمناها يوم الجمعة دي احنا ما عملناش اه موكب استعراضي ولا دعائي. احنا بمنتهى البساطة ناس معهم مية وستين الف توليت - [00:08:29](#)

اكيل ومية وستين الف توكيل يصعب انهم يعوضوا. وبلد في حالة انفلات امني. خوف الناس على هذه الاشياء خلاهم عايزين يبقوا موجودين يحرسوها من المخابى اللي كنا مخبيين فيها التوكيلات. عشان خاطر ما توصل لمقر اللجنة الرئاسية - [00:08:49](#)

فلما ناس حركتهم المخاوف على ان التوكيلات تحت اي عمل من اي نوع تفقد فتحركوا. تقول لهم انتم انتم كثير انتم عاملين ايه؟ وبعدين هنروح قبلها بخمس تيام تقريبا لقينا انه ليس من وخصوصا الواحد مش ضامن انتم عارفين مش ضامين اخلاقيات الشعب كله ولا الناس كلها - [00:09:09](#)

ما تقدروش تضمن الخلق كله فقررنا وده تأدبا وخلقنا ورقيا ان احنا نأخر التقديم ليوم يوم جمعة عشان تبقى القاهرة اروق ما يكون فما نتسبش في تعويق حركة المرور. لما عرفنا ان الناس عايزة تيجي وانها قلقانة على الحاجة - [00:09:29](#)

فلما تيجي يقول لك ان القاهرة انزحمت يوم الجمعة طب نروح يوم ايه؟ اسمه ايه اليوم اللي نروحه؟ اذا كنا سبنا سبت حد اثنين ثلاث اربع خميس لانه طبيعي بيبقى فيه مصالح وفيه زحام واختارنا اروق الاوقات. وكنا عايزين نخرج بدري عن كده ساعتين ثلاثة عشان القاهرة تبقى رايقة - [00:09:49](#)

اديكم شفتم الناس اللي تقريبا باتوا او راحوا من الفجر عشان فاحنا يا اخوانا يعني احنا بازن الله تعالى لا النهاردة ولا امبارح ان شاء الله ولا بكرة بازن الله هنعمل عمل الا اذا كان اخلاقيا اخلاقيا يعني نلقى به الله ونلقى به الله - [00:10:09](#)

سبحانه وتعالى. اخلاقيا عمل نظيف مطهر. نلقى به الله سبحانه وتعالى. وانتم عارفين التوكيلات دي لبذلنا فيها جهد على الحظ ولا احنا آآ دفعنا فيها مليم وتوكيلات مطهرة. وعلى فكرة انا كان ممكن اروح بالتوكيلات اللي مسلا ثلاثين زائد خمسة. خمسة - [00:10:29](#)

وثلاثين الف ولا حاجة وخلص ومن غير لا لا مجلس شعب ولا شورى ومن غير الزيادات لكن حسيت انه لا يليق بان الناس اللي نزلت من بيوتها وتعبت وراحت الشهر العقاري وعملت توكيلات بعد ده كله - [00:10:49](#)

كمان ما ناخدش توكيلات ونودبها. ازاي؟ عيب ما يصحش. فاحذنا هذه التوكيلات لمجرد انه الناس المشكورين اي انسان كان رجل او امرأة نزل لازم تشيل توكيله ده على على يعني يعني داخل صدرك على قلبك كده وتذهب اليه - [00:11:05](#)

لانه ده آآ يعني جايز البركة تكمن فيه. فاحنا يعني لا قصدنا آآ شيه الا الامر الطبيعي. فلكن طبعا هو احنا كنا منتظرين واحنا منتظرين الانتخابات لما تقرب مش هتحصل مكائد! يا سلام! منتظرين مكائد المنهمرة ولسه! لسة احنا عارفين هيعملوا - [00:11:25](#)

شيه طبيعي. واللي مش متصور ان احنا داخلين معركة بتنقز بلد كاملة وفي تربص بالبلد. متصورين انه كده المرور تمشي عادي. وبعدين الله عز وجل يقدر قدره. انما كونه يطعن طعنة - [00:11:45](#)

غادرة ونجلاء وما كانوش عارفين الكلام ده قبل كده قبلها الله اعلم. انما على كل حال رحمة الله على امه لو كانت يعني حية كلمناها وسألناها وتحدثت لكن توفاهها الله عز وجل وهو ها هم يقولون عنها في هذه السفارة التي - [00:12:04](#)

فيها وهي في هذه الحالة الصحية وما لبثت ان توفيت يزعمون ان الضابط او امين الشرطة رأى هذا الجواز وليس عندنا الا هذا فابشروا واملوا وعلى كل حال لعله الخير لا تدري لا شك ان الغيب يحمل الخير من عند الله سبحانه وتعالى - [00:12:24](#)

والله المستعان يا رب - [00:12:44](#)